



**Consensus Veteris Et Moderni Papatus**

**Reck, Johann von der  
Monasterii Westphaliæ, 1722**

Præfatio ad Lectorem.

---

[urn:nbn:de:hbz:466:1-68472](#)

## PRÆFATIÖ ad Lectorem.

**M**otiva hæc suomet calamo exaravit, qui libelli præcedentis auctor est, Perillustris ac Generosus Dominus JOANNES L.B. à RECK, Dynasta Steinfurtanus: eadémque Typis publicis evulgavit Anno 1651, cùm ejus rato Calvinus ad Ecclesiam Romano-Catholicam se reciperet. Utrumque Opusculum, tam prius quam posterius, statim ab incunabulis magno Catholicorum applausu exceptum est: priori tamen haud longè post etiam id honoris obtigit, ut ex germanico sermone, qui utriusque nativus fuerat, à quodam veritatis studio latine redditum, & Hannoveræ Anno 1674. Typis Schwendimannicis recusum sit. Oportuisset quidem eo tempore etiam hæc motiva, quæ Perillustris Auctor libello altero complexus erat, in latinum idioma vertere ac donare publico: sed quia ideadem occasione veteribusque Typis prætermissum est, suadet utilitas & boni communis amor, nunc saltem id efficere, cùm libellus prior secundis vicibus ad prælum curreret.

Itaque singulari sollicitudine huic labori manum addidi; eā tamen præfixa lege, ut in toto scriptionis decursu sensum potius quam verba Auctoris sequerer: & ideo non modò vocum ac Periodorum ordinem ex uno subinde loco in alium transtuli; sed etiam, ubi vel major claritas vel orationis latina fluxus vel rei demonstranda gravitas postulabat, pauca addidi, quæ eum in finem singulariter profutura censui. Hac monitione prævia versionem hanc tibi submissè porrigo Lector benevole, & ut fructum ex ea desideratissimum capias, ex animo precor.